



Republika e Kosovës

Republika Kosova - Republic of Kosovo

Qeveria - Vlada - Government

Ministria e Administrimit të Pushtetit Lokal

Ministarstvo Administracije Lokalne Samouprave

Ministry of Local Government Administration

Për :	Xhafer Gashi, Kryetar i Komunës së Obiliqit Burim Gërguri, Kryesues i Kuvendit të Komunës së Obiliqit	
Cc:	Njësisë për Administrimin e Dokumenteve në MAPL Njësisë për administrimin e Dokumenteve në Komunë	
Përmes:	Ivan Todosijević, Ministër i MAPL-së Rozafa Ukimeraj, Sekretare e Përgjithshme e MAPL-së	
Nga:	Venera Qerkini, U.d Udhëheqës i Departamentit Ligjor dhe Monitorim të Komunave MAPL	Datë: 04/12/2018
Lënda:	Konfirmim i ligjshmërisë së Aktit të Kuvendit të Komunës së Obiliqit	Nr. 020-1387
Lloji i aktit	Rregullore	

I nderuar Kryetar,
I nderuar Kryesues,

Në pajtim me Rregulloren e Qeverisë së Republikës së Kosovës Nr. 01/2016 për Shqyrtimin Administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 02/2011 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Administrimit të Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 81 të Ligjit Nr. 03/L-040 Për Vetëqeverisje Lokale aktin komunal në vijim:

Rregullore Nr. 1-184 për organizimin dhe bashkëpunimin e komunës me fshatrat, vendbanimet dhe lagjet urbane në territorin e Komunës së Obiliqit
I miratuar më datë: 27.11.2018
I parashtruar për shqyrtim në MAPL më datë: 04.12.2018

Ministria e Administrimit të Pushtetit Lokal pas shqyrtimit të aktit të komunës si më sipër, vlerëson se akti i komunës në aspektin procedural është në pajtim me dispozitat e legjislacionit në fuqi dhe si i tillë mund të prodhojë efekte juridike. Ministria e Administrimit të Pushtetit Lokal mbetet në dispozicion të komunës për çfarëdo sqarimi të mëtejshëm në lidhje me këtë vlerësim.



Republika e Kosovës

Republika Kosova - Republic of Kosovo

Qeveria - Vlada - Government

Ministria e Administrimit të Pushtetit Lokal

Ministarstvo Administracije Lokalne Samouprave

Ministry of Local Government Administration



Za :	Xhafer Gashi, gradonačelnik Opštine Obilić Burim Gërguri, predsedavajući Skupštine opštine Obilić	
Cc:	Jedinici za administraciju dokumenata u MALS-u Jednici za administraciju dokumenata u opštini	
Preko:	Ivan Todosijević, ministar MALS-a Rozafa Ukimeraj, generalna sekretarka MALS-a	<i>B.F. Todosijević</i>
Od:	Venera Qerkini, v.d rukovodilac Odeljenja za zakonska pitanja i monitorisanje opština	Datum: 04/12/2018
Predmet:	Potvrda zakonitosti odluke Skupštine opštine Obilić	Br. 020-1387
Vrsta akta	Uredba	

Poštovani gradonačelnice,
Poštovani predsedavajući

U saglasnosti sa uredbom Vlade Republike Kosova br. 01/2016 za administrativno razmatranje akata opštine i na osnovu zakonskih ovlašćenja određenim osnovnim zakonima i uredbom Vlade br. 02/2011 o poljima odgovornosti administrativne Kancelarije premijera i ministarstva, Odeljenje za zakonska pitanja i monitorisanje opština MALS-a, primilo je za obavezno razmatranje zakonitosti akta opštine kako je predviđeno članom 81. Zakona br. 03/L-040 o lokalnoj samoupravi kao u nastavku:

Uredba br. 1-184 za organizovanje i saradnju opštine sa selima, naseljenim mestima i urbanim naseljima na teritoriji opštine Obilić
Usvojena dana, 27.11.2018.godine
Poredložena za razmatranje u MALS-u dana, 04.12.2018. godine

Ministarstvo administracije lokalne samouprave, nakon razmatranja sadržaja gore navedenog akta opštine, procenjuje da je isti u saglasnosti sa zakonskim odredbama zakonodavstva na snazi i kao takav može proizvesti pravni učinak. Ministarstvo administracije lokalne samouprave ostaje na raspolaganju opštine za dodatna objašnjenja u vezi sa ovom procenom.

REPUBLIKA E KOSOVËS
MINISTRIA E ADMINISTRATËS LOKALE
ZDRAVA SHËNIT ADMINISTRATIVE

Dokument

Nr. - 1-1870

Data 22-11-2018

Datum

Shënim: ...



Republika e Kosovës
Republika Kosovo- Republic of Kosova
Qeveria Vlada -Government

Kuvendi Komunal Obiliq - Skupština Opštine Obiliq - Municipality Assembly Obiliq

HYPERREKLAZENA INDOJING
REPUBLIKA E KOSOVËS REPUBLIC OF KOSOVO
QEVERIA E KOSOVËS GOVERNMENT OF KOSOVO

Ministria e Administrimit të Pushtetit Lokal
Ministarstvo Lokalne Samouprave / Administration
Ministry of Local Government Administration

Data 04-12-2018
Datum

Titulli i dokumentit	Str./Lendës	Shifra	Vepra
11-10-1387			

**RREGULLORE (KO) NR. ___ / 2018 PËR ORGANIZIMIN DHE
BASHKËPUNIMIN E KOMUNËS ME FSHATRA TË VENDBANIMET DHE
LAGJET URBANE NË TERITORIN E KOMUNËS SË OBILIQIT**

OBILIQ / Nëntor / 2018

Në bazë të nenit 11, 12, paragrafi 12.2 pika c dhe nenit 34, paragrafi 34.4 të Ligjit nr. 03/L-040 për Vetëqeverisjen Lokale, Dispozitave të Udhëzimit Administrativ të MAPL nr. 2008/08, për Organizimin dhe Bashkëpunimin e Komunës me Fshatrat, Vendbanimet dhe Lagjet Urbane dhe të nenit 13 të Statutit të Komunës së Obiliqit, nr. I-34 të dt.25/04.2016 , Kuvendi i Komunës së Obiliqit në mbledhjen e vet. të mbajtur më _____ miraton:

RR E G U L L O R E N

PËR ORGANIZIMIN DHE BASHKËPUNIMIN E KOMUNËS ME FSHATRAT, VENDBANIMET DHE LAGJET URBANE NË TERRITORIN E KOMUNËS SË OBILIQIT

Neni 1 Qëllimi

Kjo rregullore ka për qëllim të rregullojë organizimin dhe bashkëpunimin e komunës me fshatrat, vendbanimet dhe lagjet urbane në territorin e komunës, në ushtrimin e aktiviteteve që janë ekskluzivisht në kompetencë vetanake të komunave, të përcaktuara në bazë të ligjit për vetëqeverisjen lokale.

Neni 2 Fushëveprimi

Kjo rregullore rregullon mënyrën e organizimit dhe bashkëpunimit midis komunës, fshatrave, vendbanimeve dhe lagjeve urbane duke formuar këshillat lokale si trupa mbështetës të organeve të komunës dhe që ndikojnë në konsultime gjithëpërfshirëse, të cilat promovojnë dhe zhvillojnë transparencën, llogaridhënien dhe pjesëmarrjen e qytetarëve në proceset e vendimarrjes.

Neni 3 Numri i fshatrave, vendbanimeve dhe lagjeve urbane të Komunës

1. Për të realizuar sa ma mirë funksionet dhe përgjegjësitë e parapara me ligjin për vetëqeverisje lokale, Komuna e Obiliqit do të mbështesë zgjedhjen e këshillave lokale të fshatrave, vendbanimeve dhe lagjeve urbane dhe kryetarët e këshillave lokale.
2. Numri i këshillave lokale të fshatrave, vendbanimeve formale dhe joformale dhe lagjeve urbane do të paraqiten në listë të veçantë, shtojca nr 1, që do të jetë pjesë përbërse e kësaj rregulloreje.
3. Duke e parë nevojën dhe kërkesën e madhe që në çdo fshat, vendbanim dhe lagje urbane të zgjedhen këshillat lokale, atëherë këshillat lokale do të jenë më tepër se fshatra, vendbanime apo lagje urbane.

Neni 4
Formimi i komisioneve nga Kuvendi i Komunës për zgjedhjen e këshillave lokale

1. Kuvendi i Komunës emëron komisione për të udhëhequr dhe koordinuar punën në terren në zgjedhjen e këshillave lokale. Komisioni/et duhet të ketë 7 anëtarë: anëtarë nga Kuvendi i Komunës, anëtar nga ekzekutivi dhe nga shoqëria civile. Përbërja e komisionit duhet të përfaqësojë përbërjen e subjekteve politike me numër më të madh të anëtarëve të përfaqësuar në Kuvendin e Komunës. Kryesuesi i komisionit zgjedhet nga anëtarët e komisionit.
2. Komisioni i emëruar nga Kuvendi i Komunës duhet të jetë përgjegjës për caktimin e periudhës kohore të mbajtjes së tubimeve të qytetarëve, për zgjedhjen e anëtarëve të këshillave lokale dhe kryetarëve të këshillave lokale të fshatrave, vendbanimeve dhe lagjeve urbane.
3. Komisioni i emëruar nga Kuvendi i Komunës dhe përfaqësuesit e fshatrave, vendbanimeve dhe lagjeve urbane, bashkëpunojnë në mënyrë që të organizojnë zgjedhjen e anëtarëve të këshillave lokale dhe kryetarëve të këshillave lokale.
4. Komisioni i emëruar nga Kuvendi i Komunës, nëpërmjet zyrës për informim, informon qytetarët 15 ditë para datës së mbajtjes së tubimit të qytetarëve për zgjedhjen e këshillave lokale, përmes:
 - 4.1. Shpalljeve publike të vendosura në objektet publike dhe vende më të frekuentuara brenda territorit ku mbahen tubimet ku do të zgjedhen këshillat lokale
 - 4.2. Mediave lokale;
 - 4.3. Web – faqës zyrtare të Komunës.
5. Njoftimi i publikut domosdo duhet të përmbajë:
 - 5.1. Rëndin e ditës;
 - 5.2. Datën;
 - 5.3. Kohën;
 - 5.4. Vendin e mbajtjes së tubimit.
6. Pas përfundimit të procesit zgjedhor të këshillave lokale dhe kryetarëve të këshillave lokale, komisionet e formuara nga Kuvendet e Komunës pushojnë aktivitetin e tyre.

Neni 5
Formimi i këshillave lokale dhe kriteret e përzgjedhjes

1. Këshilli lokal i fshatit, vendbanimit apo lagjes urbane mund të ketë prej 5 deri në 7 anëtarë. Numri i saktë i anëtarëve për secilin këshill lokal përcaktohet nga vet banorët e fshatit, vendbanimit apo lagjes urbane që janë prezent në tubimin zgjedhor.
2. Përbërja e këshillave lokale të fshatit duhet të reflektojë përbërjen etnike dhe gjinore. Përfaqësimi gjinor duhet të përfshijë minimum 30%. Në rast se në fshat, vendbanim apo lagje urbane, jetojnë pjesëtarë të komuniteteve jo shumicë, duhet të jenë të përfaqësuar në këshillin lokal.
3. Tubimet e qytetarëve i udhëheq një përfaqësues i fshatit i zgjedhur nga shumica e pjesëmarrësve në tubimin zgjedhor.
4. Fshatrat, vendbanimet dhe lagjet urbane të komunës zgjedhin anëtarët e këshillit lokal, me rastin e tubimit të qytetarëve, që mbledh të gjithë banorët e interesuar të fshatit, vendbanimit apo lagjes urbane.
5. Zgjedhja mund të bëhet përmes votimit të hapur apo votimit të fshehtë në tubimin e qytetarëve. Votimi i fshehtë mund të propozohet nga çdo qytetar që merr pjesë në takim nëse përkrahet nga 1/3 e pjesëmarrësve që marrin pjesë në tubim.
6. Kandidatet për anëtarë të këshillave lokale duhet të jenë qytetarë të perhershëm në atë lokalitet.
7. Kandidatët për pozita të anëtarëve të këshillit lokal apo kryetarëve të këshillit lokal, duhet të kandidohen si qytetarë e jo në emër të ndonjë partie politike.
8. Për anëtarë të këshillave lokale të fshatrave, vendbanimeve apo lagjeve urbane, zgjedhen kandidatët të cilët fitojnë numrin më të madh të votave nga numri i përgjithshëm i banorëve të fshatit, vendbanimit apo lagjes urbane që janë prezent në tubimin zgjedhor.
9. Kryetari i këshillit lokal zgjedhet në mes të anëtarëve të këshillit lokal të fshatit, vendbanimit apo lagjes urbane i cili fiton shumicën e votave të qytetarëve që marrin pjesë në atë tubim. Nëse në rrethin e parë të votimit asnjëri nga kandidatët nuk ka fituar shumicën e votave atëherë organizohet rrethi dytë i votimit dhe kandidati që merr më shumë vota zgjedhet për kryetar të Këshillit Lokal.
10. Anëtarët dhe kryetarët e këshillave lokale të fshatit, vendbanimit apo lagjes urbane, zgjedhen me mandat 3 vjeçar.
11. Së paku një anëtar i komisionit të komunës duhet të jetë prezent në të gjitha tubimet zgjedhore që organizohen për zgjedhjen e këshillave lokale.

Neni 6
Ndërprerja dhe pushimi i mandatit të anëtarëve
dhe kryetarëve të këshillave lokale

1. Në rastet kur qytetarët konsiderojnë që anëtarët ose kryetari i këshillit lokal nuk i kanë përmbushë obligimet që dalin nga kjo rregullore, anëtarët dhe kryetari i Këshillit Lokal mund të shkarkohen me shumicë të votave të banorëve të fshatit, vendbanimit apo lagjes urbane me rastin e tubimit publik me qytetarë.
2. Në mënyrë që të bëhet ky votim, kërkohet një petition për ndërprerjen e mandatit që duhet të nënshkruhet nga banorët e fshatit, vendbanimit apo lagjes urbane. Ky petition duhet të mbledh nënshkrimet e më shumë se gjysma e numrit të pjesëmarrësve nga takimi ku është zgjedhur këshilli lokal. Komuna duhet të lajmërohet paraprakisht për një mbledhje të tillë.
3. Në rastet kur këshilli lokal shkarkohet sipas procedurave në paragrafin 2, një votim i ri duhet menjëherë të bëhet në bazë të procedurave të nenit 5 të kësaj rregulloreje në mënyrë që të zgjidhet një këshill i ri lokal. Rezultatet e votimit duhet të raportohen në bazë të kërkesave të nenit 6 të kësaj rregulloreje.
4. Mandati i kryetarëve dhe anëtarëve të këshillave lokale përfundon:
 - 4.1. Me kryerje të mandatit;
 - 4.2. Nëse vdes;
 - 4.3. Nëse jep dorëheqje;
 - 4.4. Nëse ndërron vendbanim;
 - 4.5. Nëse shkarkohet.

Neni 7
Procesverbali nga tubimi zgjedhor

1. Procesverbali i hartuar nga tubimi i qytetarëve, duhet të përshkruajë; numrin e qytetarëve që kanë marrë pjesë në tubim, të dhënat për zgjedhjen e anëtarëve dhe kryetarëve të këshillave lokale, procedurat e votimit dhe çështje të tjera të adresuara në takim.
2. Procesverbalin e nënshkruan kryesuesi i tubimit, anëtarët e komisionit dhe procesmbajtësi, ndërsa komisioni i përcaktuar sipas nenit 4 të kësaj rregulloreje i raporton Kuvendit të Komunës për rrjedhën e tubimeve, për zgjedhjen e këshillave lokale të fshatit, vendbanimit apo lagjes urbane.
3. Rezultatet e zgjedhjeve, emrat e anëtarëve, kryetarit të Këshillit Lokal duhet të bëhen publike menjëherë pas tubimit zgjedhor.

Neni 8

Konsultimet ndërmjet komunës dhe këshillave lokal

1. Kuvendi i Komunës dhe kryetari i Komunës ftojnë përfaqësuesit e fshatrave, vendbanimeve dhe lagjeve urbane, që të marrin pjesë në tubimet publike me qytetarë, në dëgjimet publike për buxhet, tubimet e rregullta publike, takimet për planifikim strategjik që organizohen nga komuna përkatësisht Kuvendi i Komunës ose kryetari.
2. Së paku një anëtar i Këshillit lokal të fshatit, vendbanimit apo lagjes urbane duhet të jetë i përfshirë në të gjitha grupet punuese komunale për planifikim të planeve urbane, zhvillimore dhe rurale që janë pjesë e lokalitetit ku ata jetojnë.
3. Kryetari i Komunës duhet që së paku të organizojë dy takime në vit me udhëheqësit e këshillave lokale. Takimet duhet të mbahen së paku një herë në gjashtë muaj. Për rendin e ditës duhet të konsultohen edhe udhëheqësit e këshillave lokale.
4. Kuvendi i Komunës mund të kërkojë një opinion nga këshilli lokal i fshatit, vendbanimit apo lagjes urbane, në çështje të caktuara me interes për komunitetin.

Neni 9

Bartja e aktiviteteve nga komuna te këshillat lokale

1. Me kërkesën e këshillit lokal dhe rekomandimin e kryetarit të Komunës apo ndonjë komiteti të komunës, Kuvendi i Komunës me vendim mund të bartë disa përgjegjësi për t'i ushtruar këshillat lokale të fshatit, vendbanimit dhe lagjes urbane. Aktivitetet që mund të transferohen duhet të jenë në kompetencë ekskluzive vetanake të komunës.
2. Këshilli lokal i fshatit, vendbanimit dhe lagjes urbane duhet të konsultohet dhe pranojë bartjen e aktiviteteve nga komuna në këshillin lokal.
3. Në rast të bartjes së aktiviteteve nga komuna në këshillin lokal, komuna ofron mbështetje dhe burime të mjaftueshme për fshatrat, vendbanimet dhe lagjet urbane me qëllim të përmbushjes së përgjegjësisë së bartur.

Neni 10

Roli, detyrat dhe përgjegjësitë e këshillave lokale

1. Këshilli lokal i fshatit, vendbanimit apo lagjes urbane mund të takohet në çdo kohë për të shqyrtuar çështjet në interes të lokalitetit si dhe harton dhe miraton planin e punës së këshillit dhe rregullat e brendshme të funksionimit.
2. Këshilli lokal i fshatit, vendbanimit apo lagjes urbane, organizon, përcjell dhe planifikon planet dhe programet zhvillimore të lokalitetit, në të gjitha sferat në bashkëpunim me Kuvendin e Komunës, kryetarin e Komunës, komitetet dhe drejtoritë komunale.

3. Këshilli lokal i fshatit, vendbanimit apo lagjes urbane duhet të informojë komunën për kohën dhe agjendën e takimeve. Zyrtarët komunal mund të marrin pjesë në takimet e organizuara nga këshillat lokale.
4. Takimet e qytetarëve mund të organizohen me iniciativën e këshillit lokal të fshatit, vendbanimit apo lagjes urbane.
5. Këshilli lokal mund të ndërmarë aktivitetet të cilat në veçanti ndikojnë në:
 - 5.1. Zhvillimin lokal ekonomik të qëndrueshëm të lokalitetit;
 - 5.2. Planifikimin urban dhe rural të lokalitetit;
 - 5.3. Mbrojtjen e mjedisit lokal të lokalitetit;
 - 5.4. Ndihmon në rritjen e efikasitetit në ofrimin e shërbimeve publike komunale brenda lokalitetit;
 - 5.5. Siguron të dhënat elementare për çdo familje të lokalitetit përkatës, përcjell gjendjen e tyre ekonomike, sociale dhe jep rekomandime, propozime për mbështetje të këtyre rasteve;
 - 5.6. Mirëmbajtjen e varrezave dhe hapësirave publike të gjelbëruara;
 - 5.7. Zhvillimin e turizmit;
 - 5.8. Organizimin e aktiviteteve kulturore dhe sportive;
 - 5.9. Bashkëpunimin me organet e komunës dhe organizata të tjera të shoqërisë civile për çështjet me interes për lokalitetin;
 - 5.10. Organizimin e aksioneve vullnetare në interes për lokalitetin;
 - 5.11. Zbaton aktivitetet që janë të bartura, sipas procedurave në nenin 8 të kësaj rregulloreje.
6. Këshillat lokale të fshatrave, vendbanimeve dhe lagjeve urbane kanë të drejtë të bashkëpunojnë në mes veti në territorin e komunës përkatëse.
7. Këshillat lokale mund t'i parashtrojnë organeve të kuvendit, pyetje me shkrim për çështje të ndryshme në interes të lokalitetit, kurse organet e komunës brenda afatit 30 ditësh i përgjigjen këshillit lokal.

Neni 11

Roli i kryetarëve të këshillave lokale

1. Kryetari i këshillit lokal përfaqëson fshatin, vendbanimin apo lagjen urbane në konsultimet dhe diskutimet me organet e komunës.
2. Kryetari i këshillit lokal thërret dhe udhëheq me mbledhjet e këshillit lokal dhe kujdeset për organizimin dhe punën e këshillit lokal. Poashtu, ai i nënshkruan konkluzionet dhe propozimet e miratuara nga ana e këshillit lokal dhe është i obliguar që në afat prej 15 ditëve, nga dita e miratimit të tyre, t'i dorëzojë te kryetari i Komunës.

Neni 12
Financimi i aktiviteteve

1. Financimi i aktiviteteve të këshillave lokale mund të bëhet nga vet banorët e fshatit, vendbanimit apo lagjes urbane, nga komuna, nga financimi i përbashkët si dhe nga donatorët, në pajtueshmëri të plotë me statutin, rregulloret komunale dhe legjislacionin e zbatueshëm në Republikën e Kosovës për menaxhim të financave publike.
2. Këshilli lokal bën raporte gjashtëmuor dhe vjetore të mjeteve të inkasuara, si dhe atyre të shpenzuara, dhe i bën ato transparente për qytetarët e atij lokaliteti si dhe para organeve komunale.

Neni 13
Kompenzimi i këshillave lokale

Kompenzimi i kryetarëve të këshillave lokale të fshatrave, vendbanimeve dhe lagjeve urbane, përcaktohet nga Kuvendi i Komunës me vendim të veçantë.

Neni 14
Mospërbushja e përgjegjësi

Për të gjitha aktivitetet e bartura në Këshillin lokal nga Kuvendi i Komunës, Këshilli lokal i fshatit, vendbanimit dhe lagjes urbane përkatëse mban obligime dhe përgjegjësi ligjore.

Dispozitat kalimtare dhe përfundimtare

Neni 15
Zbatimi i rregulloes

Për zbatimin e kësaj Rregullore përgjegjës është Kryetari Komunës drejtorit përkatëse dhe drejtoria përgjegjëse .

Neni 16
Shfuqizimi

Me hyrjen në fuqi të kësaj Rregulloreje shfuqizohet Rregullorja nr.1-48 e dt.30.04.2015 që ka të bëjë me Organizimin Dhe Bashkëpunimin E Komunës Me Fshatrat ,Vendbanimet Dhe Lagjet Urbane Në Teritorin E Komunës së Obiliqit.

Neni 17

Hyrja në fuqi

Kjo rregullore hyn në fuqi 7(shtatë) ditë pas publikimit të rregullorës në ueb faqen zyrtare të komunës.

Teritori i Komunës së Obiliqit sipas (Ligjit mbi kufijtë administrativ) numëron gjithësej 18 vendbanime (lokalitete) nga të cilat Obiliqi është qendër komunale

Emërtimet e Lokalitetve , organizimi dhe struktura e këshillave lokale dhe lagjeve urbane

Në territorin e Komunës së Obiliqit kanë këto këshilla lokale

Nr.	Këshillat lokale
1.	Obiliq
2.	Obiliq i Vjetër
3.	Millosevë
4.	Babimost
5.	Raskovë
6.	Bakshi
7.	Breznicë
8.	Kozaricë
9.	Mazgit i Poshtë
10.	Mazgit i Naltë
11.	Llazarevë
12.	Hade
13.	Vodicë
14.	Leshkoshiq
15.	Siboc
16.	Hamidi
17.	Plemetin
18.	Graboc
19.	Shipitullë

20.
21.

Krysheve
Shkabaj /Hade e Re

KUVENDI I KOMUNËS SË OBILIQIT .NR 1-186, DATE 27.11.2018

Kryesuesi i Kuvendit Komunal

Burim Gërguri
Burim Gërguri

